

## N.A.O. 53. ALDIZKARIA – 2017ko martxoaren 16an

### ORDENANTZA FISKALA, IBILGAILUAK EREMU PUBLIKOTIK KENDU ETA ONDOTIK ALTXATZEKO ETA IBILGAILUAK EREMU PUBLIKOAN IBILGETZEKO ZERBITZUAREN TASAK ARAUTZEN DITUENA

#### 6. ORDENANTZA

##### **OINARRIA**

1. artikulua. Ordainarazpen hau ezarri da Nafarroako Toki Ogasunei buruzko martxoaren 10eko 2/1995 Legearen lehenbiziko tituluko IV. kapituluko 7. atalean xedatutakoaren arabera, eta lege beraren 12. artikuluan jasotzen den baimenari jarraituz.

##### **ZERGA-EGITATEA**

2. artikulua. Zergapeko egintza sortzen da Udalaren zerbitzu eskudunek ibilgailuak ere publikotik kentzeko nahiz kentzen hasteko edo ibilgetzeko zerbitzua egitean.

Halaber, zergapeko egintza da udal bulegoetan edozein arrazoiengatik gordeta dauden ibilgailuak zaintzea.

3. artikulua. Honako hauek tasa ordaintzetik salbuetsita daude:

1. Behar den baimena duten kabalkada, desfile, segizio, kirol-saio edo bertze jarduera nabarmenen bat eginen den ibilbidean aparkaturik egoteagatik kentzen diren ibilgailuak.
2. Aparkaturik egonik, eremu publikoa konpontzea edo garbitzea eragozten dutelako kentzen diren ibilgailuak.
3. Jabeei ebatsirik eremu publikotik kentzen diren ibilgailuak. Horretarako, jabeari ibilgailua ebatsi zaiola ulertuko da hark ebasketa-salaketaren kopia aurkezten duenean.

##### **TASAREN SORTZAPENA**

4. artikulua. Ibilgailua kentzeko tasa sorraraziko da zerbitzua hasten den momentuan.

5. artikulua. Ibilgailua kendu eta 24 ordu iraganik izanen du sortzapena ibilgailua altxatzeko tasak.

##### **SUBJEKTU PASIBOA**

6. artikulua. Kasu bakoitzean ezarri behar diren arauekin bat, ondokoek ordaindu beharko dute tasa: ibilgailuaren gidariak, titularrak, gordailuzainak edo ibilgailuaren erantzuleak.

##### **KARGA-OINARRIA**

7. artikulua. Kendu, altxatu edo ibilgetu den ibilgailu bakoitza da karga-oinarria.

## **SALBUESPENAK**

8. artikulua. Lege nahiz erregelamenduetako xedapenek hala aginduta nahitaez aplikatu beharreko salbuespenak baizik ez dira onartuko.

## **TARIFAK**

9. artikulua. Ibilgailuak kentzeagatik -hasita nahiz osorik- eta altxatzeagatik aplikatu beharreko tarifak ordenantza honetako eranskinean daude ezarrita.

## **TRIBUTUAREN KUDEAKETA**

10. artikulua. Ordainarazpen honen diru-bilketarako arau berezi gisan, zerbitzu honek sorraraziko dituen tasak Udaleko diru-bilketa zerbitzuetan ordainduko direla ezarri da. Horiek luzatuko dituzte ordainketa frogatzeko behar diren ordainagiriak edo tributu efektuak.

11. artikulua. Kendutako ibilgailua ez zaio jabeari itzuliko hura kendu eta altxatzeak sortu dituen eskubideak ordaindu arte.

12. artikulua. Tasa honen likidazioa ordaintzeak ez du kentzen inolaz ere zirkulazio arauak hausteagatik bertzalde izan daitezkeen zehapen edo isunak pagatu beharrik.

## **JABEEK ERAMAN GABEKO IBILGAILUAK**

13. artikulua. Udalak bere Altxatokietan dauzkan ibilgailuak esleituko ditu, egungo legezko xedapenetan ezarritakoari jarraikiz.

## **TARIFEN ERANSKINA**

### **I. epigrafea.**

Zerbitzua osorik egiten denean, ibilgailu arau-hauslea Udalaren biltegiara eramaten denean. Orobat, zerbitzu egitera joan, eta ibilgailua Udalaren altxatokira eramateko lanak hasi ondotik, gidaria edo hark baimendutako pertsona agertzeagatik lana bukatzen ez bada:

–Ziklomotoreak eta motozikletak: 42,00 euro.

–2.500 kilogramorainoko pisua duten ibilgailuak: 92,61 euro.

–Ibilgailuak, 2.500 kilogramo baino astunagoak: 167,73 euro.

### **II. epigrafea.**

Ibilgailua kendu eta altxatokira eramaten denetik 24 ordu iraganda, altxatzeko tarifa hau izanen da egun edo zatiki bakoitzetik:

–Ziklomotoreak eta motozikletak: 3,50 euro.

–2.500 kilogramorainoko pisua duten ibilgailuak: 7,20 euro.

–Ibilgailuak, 2.500 kilogramo baino astunagoak: 14,41 euro.

**IV. epigrafea.–Ibilgailua eremu publikoan ibilgetzeagatik.**

–Ibilgailuak, gehieneko pisua 2.500 kg bitartekoa badute: 92,61 euro.

–Ibilgailuak, gehieneko pisua 2.500 kg-tik gorakoa badute: 167,73 euro.

**V. epigrafea.**

Ibilgailuen ezaugarriengatik Udalak dituen baliabideekin ezin eraman bada eta zerbitzua egiteko bertze batzuegana jo beharra baldin bada, kobratu beharreko tasa izanen da Udalak ibilgailuak kentzeko lana egiten duen enpresari ordaindu behar diona gehi %20, administrazio arloko gastu orokorrenagatik.

2.500 kilo baino guttiagoko ibilgailu baten berezko ezaugarriak direla medio, 2.500 kilo baino gehiagokoak kentzeko erabiltzen den garabia erabili behar izanez gero, horietarako aurreikusten den tasa kobratuko da.